



GODINA XV
Broj: 3/56

BILTEN

juli-septembar 2019.
ševval- muhar. 1440/41

Isterno informativno glasilo Medžlisa IZ-e Tešanj

HADŽ I KURBAN- BAJRAM 2019./1440.h.g. (str. 4.)



Kutahya džamija – 30.07.2019.
Zajednička Ikrar dova i ispraćaj hadžija.



Bajramski program TV 5. (11.12.i 13. augusta 2019.)
emitiran iz Medžlisa IZ-e Tešanj

NOVA 1441.h.g.. (str. 5.)



Miljanovci – 31.08.2019. tradicionalni Mevlud,
centralna manifestacija Medžlisa IZ-e Tešanj.



Čarši-džamija – 30. 08. 2019. zajednički Mevlud gradskih
džemata poslije akšam-namaza.

HAFISKA DOVA hafiza RASIMA IBRAHIMKADIĆA – 15.09.2019. (str. 8.)



Uručenje diplome hafizu



Hafiz Rasim (pored muhafiza hafiza Bukvića) uči kratke sure

Kurban-bajramska poruka glavnog imama iz Mekke

Hvala Allahu, Stvoritelju svjetova, na milosti i nimetima kojima nas daruju.

Donesimo salavat i selam na posljednjeg Allahova poslanika Muhammeda a.s., na njegovu porodicu, na njegove ashabe i na sve one koji su živjeli i umrli sa Istinom u srcu i u djelu. **Sjetimo se bosanskih sinova šehida**, koji su na Allahovom putu, dali svoje živote. I recimo: **Allah je jedan; Allah je vječan; Allah nije nikog rodio; Allah nije rođen i Allahu niko nije ravan.**

Jučer su hadžije iz cijelog svijeta boravile na Arefatu, mjestu gdje su se sastali otac i majka čovječanstva, nakon što su izašli iz Dženneta. Među njima je i 56 hadžija sa područja našeg medžlisa koji su na tom mubarek mjestu svjedočili svoju vjeru i svoju spremnost na žrtvu, baš kao što i mi jutros svjedočimo svoju vjeru i svoju spremnost na žrtvu.

Zato se za Kurban bajramske dane kaže da su jedni od važnijih mubarek dana kod muslimana. Oni sa sobom nose važne poruke koje treba pažljivo saslušati i dobro razumjeti. To su dani koji nas podsjećaju na Božije poslanike i događaje iz njihovog života, koji su dobrano odredili historiju čovječanstva i sudbinu ljudskog roda po kojoj spas na Dunjaluku i na Ahiretu treba tražiti u sebi i svojim dobrim djelima, a konačni sud treba prepustiti Božjoj milosti i pravdi, jer Bog sve vidi i zna.

Vaše prisustvo govori o vašoj odgovornosti kada je u pitanju svijest o islamskim vrijednostima. Ta svijest treba da bude prenosiva i na druge, prije svih na vlastitu porodicu i na džemat kome pripadamo. Zato u ovim danima u harem i šerifu upućujem dovu Allahu dž.š. da sačuvamo svoju porodicu i svoj džemat kojem po sudbinskoj određenosti pripadamo.

„O vi koji vjerujete, sebe i porodice svoje čuvajte od vatre čije će gorivo ljudi i kamenje bit.“ (Et-Tahrim,6)

Svjedoci smo, nažalost, **da se grijeh, haram** (alkohol, kocka, droga), sve više uvlači u naše porodice, u naše džemate kao opaka bolest kaja razara porodične i džematske vrijednosti.

Zbog toga, nemamo pravo reći to se nas ne tiče. **To se nas itekako tiče**, jer to su poroci koji se naročito šire među omladinom, koja nažalost u svojoj naivnosti posrće pred izazovima grijeha, harama, i vlastite štete.

Naša je obaveza da pravimo ambijent u porodici i džematu da naša djeca, naša omladina **moe osjetiti i kušati radost života u halalu** i da može koristiti sebi, svojoj porodici i svome džematu.

„Svi ste vi pastiri, i svaki pastir bit će odgovoran za svoje stado. Vladar je pastir, čovjek je pastir svojoj porodici, žena je pastirica u kući svoga muža i njegove djece. Svi ste vi, dakle, pastiri i svi ste odgovorni za svoje stado.“

Neka nas Kurban bajramske dani približe našem Gospodaru. Neka nas približe jedne drugima i neka nam vrate međusobno povjerenje. Neka svako radi svoj posao savjesno i odgovorno. Neka svako od nas bude na razini potrebne odgovornosti za zajedničku sigurnost i budućnost naše djece, odnosno generacija koje će doći poslije nas.

Tajna uspjeha na ovom svijetu je iskrena vjera, dobra djela i međusobno pomaganje u dobru. Tim principom pokazat ćemo sebi i drugima da smo vrijedni poštovanja i da zaslužujemo život dostojan čovjeka.

Iz mubarek Mekke zajedno sa ostali 55 hadžija svima vam od srca želimo sretan Bajram, moleći Allaha dž.š. za vaše zdravlje i uspjeh u životu i radu.

Bajram šerif mubarek olsun!

Aktivnosti IO Medžlisa :

25.07.2019.g.-Održana 6. redovna sjednica IO u prostorijama Medžlisa IZ-e Tešanj.

Sjednicom je predsjedavao predsjednik IO Zehrudin Kruško. Prisustvovalo 13 članova. Na sjednici je razmatran dneveni red od 10 tačaka i usvojeni: Izvod iz zapisnika sa 5. redovne sednice IO i informacija o realizaciji zaključaka.

Plan aktivnosti za Kurban-bajram 1440.h.g.

Plan aktivnosti za početak nove mektepske godine.

Zaključci o sporazumnoj prekidu ugovora o radu sa imamima džemata Jevadžije (Fuad ef. Čeman prof.) i Medakovo (Amel ef. Habeš prof.) i o prijemu novih imama u Jevadžije (hafiz Anes ef. Mulić) i Medakovo (Samed ef. Sinanović prof.), i dr.



29.08.2019 - 7. (telefonska) sjednica IO - na kojoj je donesena Odluka o postavljanju sergije u svim džematima ovog Medžlisa za pomoć stanovništvu zahvaćenom poplavama.

01.10.2019. Muftija zenički hafiz dr. Mevludin ef. Dizdarević uručio dekret glavnom imamu za novi četverogodišnji mandat.



POZIV NA SARADNUJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša web stranica: www.miztesanj.ba ; email: info@miztesanj.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić; tehnički urednik, tekst i foto Rašid Orlović.

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić i Suljo ef. Djedović prof., saradnici imami MIZ-e Tešanj.

HUTBA POVODOM POČETKA NOVE MEKTEBSKE GODINE

Neka je hvala Allahu, Milostivom i Sve milosnom, Vladaru Dana Sudnjega. Onome ko život i smrt daje, ko bolest i zdravlje daje. Onome ko na pravi put upućuje i u zabludi ostavlja. Onome ko djecu daje i ko je uskraćuje. Neka je salavat i selam na našeg resulija-ekrema, nebiji-muhterema, našeg devletliju Muhammeda, a.s., na njegovu časnu porodicu, uzorne ashabe i plemenite bosanske šehide.

Ljeto hvala Allahu sigurno prolazi i završava se. Lubenica je sve manje, noći su duže i hladnije a dani kraći i manje sunčani. Mjesec septembar ili rujan kako smo ga nekada zvali, *rudi* naše šume i poljane i kazuju nam da je vrijeme da naša djeca završe ljetne odmore i krenu na najčasnije putovanje. Da krenu na put učenja i obrazovanja u novoj mektebskoj godini koja počinje od sutra. U ponедjeljak je već krenula nova školska godina, a vrlo skoro će i naši studenti na univerzitetima ući u svoje kabinete. Mektebi i školski kabineti su se krečili i pripremali za svoju misiju. Roditelji su se minulih dana zabavili oko opremanja djece u školu. Valjalo je nakon godišnjih odmora naći pare za udžbenike, za toplu odjeću i kvalitetnu obuću za našu dječicu. Za one starije koji idu na studije treba naći smještaj i ostale potrepštine koje nisu nimalo jeftine.

S obzirom da nam sutra počinje mektebska nastava, a akademska školska godina je već počela, smatram da nam je iznimno važno osloviti i naglasiti pitanje važnosti mektebske nastave i općenito kvalitetnog odgoja i obrazovanja naše djece. Za svaku zajednicu koja drži do sebe, koja razmišlja o svojoj budućnosti nema prečeg i nema važnijeg pitanja. Za muslimane ovo je pitanje tim važnije jer je islam znanje i njegovo stjecanje uzdigao na nivo ibadeta. U islamu je Ibadet učiti i studirati kao što je ibadet klanjati i Kur'an učiti. Ko god misli da je proces učenje neka banalna i neobavezna stvar ne razumije niti islam niti zakonitosti svijeta u kojem živi. Dovoljno je znati da je Kur'an jedina objava koja je svoju svjetsko-povijesnu realizaciju počela sa naredbom učenja. Sam Poslanik a.s. je rekao da *je traženje znanja dužnost svakog muslimana i muslimanke*.

Draga braće; Svaki vjernik treba da zna da je temeljni odnos *rabba* i roba zahvalnost. Biti zahvalan Stvoritelju svjetova na nebrojenim blagodetima je najpreča dužnost svakog vjernika. Zato je prva riječ u Kur'antu *elhamdu lillahi rabbil alemen - hvala Allahu Gospodaru svih svjetova*. Sa zahvalnošću mi u te blagodeti učitavamo Allahov bereket i one postaju za nas lijek a ne otrov.

Međutim, kako nam je Allah podario raznovrsne blagodati tako od nas očekuje i različite forme i izraze zahvalnosti. „A djela nevjernika, onih koji su nezahvalni su kao varka, fatamorgana u ravniči u kojoj žedan vidi vodu, ali kada dođe do tog mjesta ništa ne nađe. A zateći će da ga čeka kraj njega Allahova kazna... (Nur, 39). Allah dž.š. nam je dao tijelo i savršenim ga sazdao. Dao nam je imetak i zdravlje nam je dao. Dao nam je lijepe kuće i krov nad glavom. Dao nam je porodice i evlade nam je podario.

Svaka od ovih blagodeti zahtjeva svoj specifičan izraz zahvalnosti ili odgovora Allahu dž.š. na njih. Tako recimo na blagodeti zdravlja i stvaranja valja zahvaliti svojim namazom. Na blagodati imetka valja zahvaliti dijeljenjem i pomažući one kojima je Allah dao manje.

Nema sumnje da je jedna od najvećih blagodati koje je Allah podario čovjeku vlastiti evlad, a to znaju ponajbolje oni kojima je Allah uskratio ovu blagodat. Ima onih koji od prve dobiju dijete a nisu zahvalni Gospodaru. A ima i onih koji dižu kredite i daju hiljade maraka ljekarima kako bi njihove hanume začele i rodile im potomstvo. Djeca su golemi dar od Allaha. A zauzvrat od nas Allah, dž. š, očekuje da ih usmjerimo ka pravome putu i da činimo koliko možemo da izrastu u zdrave ličnosti, koje znaju u šta vjeruju i koje znaju kuda idu. Kao što uz svaku mladicu drveta treba zabititi čvrsti štap da bi naraslo uspravnim, tako i dijete treba čuvati uz sebe dok prođe krizne godine formiranja njegovog bazičnog identiteta. Kada prodru te rane godine, onda mu oslonac štapa ne treba. Tada ga slobodno pustite. Ono će rasti i ići pravim putem. Ali kada drvo *ukrivo* naraste, džaba ti je onda i sa stotinu štapova podupirati ono se neće popraviti. Ono što je nekada mogao uraditi jedan mali štap sada ne može ni sto jedan. Stoga je presudno da od malena bdijemo nad našom djecom i *podupiremo* ih svojom prisutnošću i odgojnog riječju. Uvijek treba znati, ako ih mi ne budemo usmjeravali i odgajali neko drugi sigurno hoće. Odgojni vakum, naprosto, ne postoji.

Decenijama su mekteb i škola bili konkurenti u obrazovanju naše djece. Smatralo se da jedno drugo obesmisljava. Nekada se u džamijama govorilo da se u školu ne treba ići, jer će se dijete „povlašiti“. Kasnije su komunističke vlasti potpuno zabranjivali mekteb i govorili da je štetan za djecu. Nisu uzimali u obzir da čovjek nije samo tijelo nego i duh. I da duhu treba hrana kao što je treba i tijelo. Stoga su mnoge generacije ostale bez kvalitetne vjerske naobrazbe iz čega su se nakon mnoge posljedice. Tako naprimjer istraživanja su pokazala da niko ko je otišao u Siriju da se bori za tzv. Islamsku državu nije završio mekteb. Dakle, samo da nam sačuva djecu od ekstremizma koji buja u svijetu dovoljna je preporuka za mekteb.

Zato nam je važno da kroz mekteb podarimo djeci osnovno znanje iz islama što im treba da mogu biti praktični muslimani. To je garant njihovog uspjeha na Ahiretu. A kvalitetna škola nam je potrebna kako bi osigurali njihov uspjeh na ovom svijetu. Mekteb i škola su dva krila koja našoj djeci omogućavaju da slobodno lete u svijetu oluja i teških vjetrova. Sa jednim krilom to je teško pa i nemoguće.

Stoga mi na kraju dozvolite da čestitam našoj dječici, njihovim roditeljima i svim učiteljima početak nove mektebske i školske godine.

Cinim dovu Gospodaru svjetova da djeci u mektebima i našim školama poveća znanje, da našim muallimima i učiteljima poveća mudrost u prenošenju znanja, a roditeljima podari svijest o značaju učenja za naš Dunjaluk i za naš Ahiret.

HADŽ I KURBAN – BAJRAM 2019. - 1440. h. g.

Miljanovci – 13.07.2019. – Proučena zajednička ikrar dova za hadžije u džamijama poslije džuma-namaza. Centralna u džematu Miljanovci iz koga putuje 11 hadžija, gdje je Ikrar dovu proučio glavni imam.



Kutahya džamija – 30.07.2019. – Proučena Ikrar dova i ispraćene hadžije autobusima do džamije Kralja Fahda i aerodroma u Sarajevu. Nakon obraćanja glavnog imama (vođe puta hadžijama) dovu proučio Suljo ef. Djedović prof.



07.09.2018. godine sve hadžije se hairli vratile obavljenog hadždža. Molimo Allaha dž.š. da im hadž bude kabul-mebrur.

Bajram namaz – 11.08.2019. klanjan u svim džamijama koje su bile prepune džematlija.

Na slici bajram-namaz u Kaloševiću.



Čarši-džamija – 11.08.2019. – Prvi dan Kurban-bajrama Treću godinu za redom u haremu džamije, prinesen kurban za šehide i vakife (ispred Medžlisa IZ-e Tešanj).



Prikupljanje, obrada i soljenje kožica u džematima organizirano prva tri dana bajrama prema uputstvu Rijaseta



Prijem i predaja kurbanskog mesa za reabilitacioni centar Duje – prikupljeno i predato preko 30 tona mesa.

**OSTALE ZNAČAJNE AKTIVNOSTI:**

1. **Hutba o kurban bajramu** iz Rijaseta održana u svim džamijama u petak, 09.08.2019.
2. **Distribuirano u domaćinstva “Instrukcija za klanje životinja – kurbana u domaćinstvu”** Instituta za zdravlje i sigurnost hrane Zenica.
3. **Upoznate džematlije sa Uputstvom o postupanju sa kurbanskim mesom i kožicama** na hutbi u petak 09.08.2019. i u nedjelju 1. dana Bajrama (11. 08. 2019.) u vremenu od sabaha do bajram-namaza.
4. **Bajramska sergija** – postavljena u svim džematinama poslije bajram-namaza za potrebe Vjersko-prosvjetne djelatnosti Medžlisa IZ-e Tešanj i sva prikupljena sredstva predata u blagajnu Medžlisa IZ-e Tešanj, a na blagajni Medžlisa izdvojeno 25% za potrebe džemata.
5. **Prikupljanje kurbanskog mesa za rehabilitacioni centar Duje**, meso prikupljano sa područja cijelog Medžlisa na jednom sabirnom mjestu u Harem u Kutahya džamije zbog potrebe deponovanja u hladnjaku i to cijeli prvi i drugi dan Bajrama i po dogovoru distribuirano cenu „Duje“ - preko 30 tona mesa, što je do sada rekordan iznos.
6. **Uplate kurbana za potrebe medresa** - Ukupno uplaćen 471 kurban po cijeni od 350,00 KM i sve uplate na vrijeme proslijedene medresama.
7. **Kurbanske kožice** – Prikupljane prva tri dana Bajrama - Prikupljeno 3733 ovčije i 645 goveđih kurbanskih kožica.

OBILJEŽENA HIDŽRA – NOVA 1441. h.g.

Glavni imam posjetio porodiljski odjel Opće bolnice u Tešnju i darovao 5 novorođenih beba prvog dana 1441.h.g.

Medžlis – 31.08.2019. Odjela za brak, porodicu i ženski aktivizam (koordinatoraca Fatima Ćeman i koordinatorice džemata) uručio pomoć ženama u džematima zahvaćenim poplavama.



Dobropolje-Mekiš, 30.08.2019. poslje akšam-namaza polaznici mekteba propučili Mevlud, a vazu nasihat održali džematski imam Suljo ef. Djedović prof. i glavni imam, nakon čega su djeci podijeljeni paketići.



Miljanovci–31.08.2019. - Tradicionalni Mevlud, kao centralna manifestacija Medžlisa. Poslje akšam-namaza Mevlud proučili imami Medžlisa IZ-e Tešanj, a prisutnima se prigodno obratili, džematski imam Raif ef. Hasak, Elvedin ef. Aličić prof. imam džemata Lepenica i glavni imam mr. Fuad ef. Omerbašić.



Zajednički čas historije islama za polaznike mektepske nastave i podjela prigodnih paketića organizirani u većem broju džemata – na slici Ljetinić.



Novi Miljanovci – 30.08.2019. – Tradicionalni mevlud proučili polaznici mektepske nastave, a prisutnima se prigodno obratio džematski imam Bersad ef. Kozlić prof.



Lepenica – 10.09.2019. Mevlud, predavanje i podjela paketića polaznicima mektepske nastave uz obraćanje džematskog imama Elvedin ef. Aličića prof.



Jevadžije - 30.08.2019. Tevhid i prijem upriličeni u džamiji i mektepskoj učionici poslje akšam-namaza uz prigodno obraćanje imama i zahvalu predsjednika dž.o.



Avdipašina džamija – 08.09.2019. – Ašura – 27. godinu za redom održan prigodan program – mevlud, zikr i predavanje glavnog imama i Ejub ef. Jašića, poslje jacije



Događaji, iz naših džemata...

Ljetinić, 05.07.2019. hafiz Almir ef. Salkanović prof. novi imam u džematu Ljetinić – Glavni imam Medžlisa IZ-e Tešanj mr. Fuad ef. Omerbašić uručio Odluku o prijemu u radni odnos na mjesto imama u džametu Ljetinić hafizu Almir ef. Salkanoviću prof. Predsjednik džematskog odbora Ljetinić hadži Mirhet Ahmić ključeve objekata. Glavni imam se tom prilikom zahvalio dosadašnjem imamu džemata Jasmin ef. Roši.



07. 07. 2019. Proučen tradicionalni Mevlud u džamiji poslije podne namaza u povodu otvorenja džamije i mesdžida Alibalići. Mevlud su proučili imami Medžlisa IZ-e Tešanj, a prisutnima se prigodno obratili novi džematski imam hafiz Almir ef. Salkanović prof. i glavni imam mr. Fuad ef. Omerbašić.



Sije – 17.07.2019. Obilježen „Dan sjećanja“ . Zajedničkom organizacijom tri džemata: Šije, Šije Donje Polje i Šije Gornje Polje, Mjesne zajednice Šije i udruženja građana „Ponikva“ Šije prigodnim programom obilježen je 17. juli „Dan sjećanja“ u Šijama. Domaćin je bio džemat Šije Gornje Polje. Program je počeo od 18,30 - Jasin pred duše šehida na mezarju Buljubašići i Meškići, ispred kuće rahmetli Šemse Omića. Mevlud su poslije akšam-namaza u džamiji proučili imami, a vaz održao glavni imam i besedu Muftija zeničkog hafiza dr. Mevludina ef. Dizdarevića. U programu je učestvovao i glumac NP zenica Nusmir Muharemović, a obratio se i Općinski načelnik mr. Suad Husić.



Medakovo i Jevadžije – 26.07.2019. ispraćeni dosadašnji i dočekani novi imami u džematima Medakovo i Jevadžije – Danas su džemalije džemata Medakovo i Jevadžije na džuma-namazu ispratili svoje dosadašnje imame (nakon sporazumnog prekida radnog odnosa) i to Medakovo Amel ef. Habeša prof., a Jevadžije Fuad ef. Ćemana prof., i istovremeno dočekali nove imame: Medakovo Samed ef. Sinanovića prof. i Jevadžije hafiza Anes ef. Mulića.



Džemilić Planje – 04.08.2019. Proučen tradicionalni Mevlud i hatma dova za šehide poslije podne namaza. Mevlud su proučili imami MIZ-e Tešanj, a prigodno se obratili džematski imam Haris ef. Zahirović, prof., Suljo ef. Djedović prof. u svojstvu zamjenika glavnog imama i hafiz Alija ef. Rahman.



Vukovo – 09.07.2019. održana tribina u džamiji poslije akšam namaza u povodu godišnjice otvorenja džamije. Prisutnima na tribini su se obratili džematski imam Mirnes ef. Alić, glavni imam mr. Fuad ef. Omerbašić i gost hafiz Nedim ef. Botic.



Dolac-Kotlanice, 18.08.2019. Proučen 50. tradicionalni Mevlud „na bašći“ poslije podne-namaza. Mevlud proučili imami Medžlisa IZ-e Tešanj, a prisutnima se obratili Džafer ef. Alispahić prof., Suljo ef. Djedović prof. i mr. Meho ef. Šljivo, šef odjela za hatabet i vaz.



Zenica – 29.07.2019. Posjeta muftiji zeničkom - Delegacija MIZ-e I OO Ilmijje Tešanj, koju su činili glavni imam mr. Fuad ef. Omerbašić, predsjednik Zehrudin Kruško, Suljo ef. Djedović i Dževad ef. Hasanbašić posjetila muftiju zeničkog hafiza dr. Mevludina ef. Dizdarevića.



Medžlis – Ciklus sastanaka sa imamima – od 26. 08. 2019. glavni imam održao pojedinačne sastanke sa imamima o radu imama i stanju vjerskog života u džematima.



Događaji, iz naših džemata....

Poplava - U noći između 23. i 24. augusta područje općine Tešanj zahvatilo je nevrijeme praćeno jakim vjetrom, gradom i obilnim kišnim padavinama. Nevrijeme je posebno bilo izraženo na jugozapadnom, zapadnom i sjeverozapadnom području općine (naseljena mjesta Piljužići, Jelah, Mračaj, Miljanovci, Tešanj, Džemilić Planje, Oraš Planje, Mrkotić i Kalošević). U pružanje pomoći stanovništvu uključili su se: Medžlis IZ-e Tešanj, Muftijstvo zeničko i Ured za društvenu brigu (porodični paketi, novčana sredstva, posjeta poplavljениm područjima – firmama i domaćinstvima)

*Uručenje novčane pomoći Općini**Posjeta Muftije zeničkog**Posjeta porodici i sanacija štete*

Sistematski pregled radnika obavljen 16., 17., 18., i 19. septembra 2019. u Domu zdravlja Tešanj.

Sarajevo – 30.09.2019.g. Emir Ćeman pred komisijom Rijaseta uspješno položio hifz Kur'ana Časnog. Hafiz Emir sa muhafizom i glavnim imamom.



Novo Selo, 22.09.2019. Imami MIZ-e Tešanj proučili tradicionalni 15. Mevlud i hatma dovu za šehide poslije podne-namaza uz obraćanje džematskog imama, glavnog imama i Elvedina Subašića člana redakcije IIN Preporod te dodjelu vakufnama vakifima za adaptaciju džamije (Čamdžić Sabiha, Salihbašić Elvida, Salihbašić Senad, Ćehajić Kadema, Saracević Osmo, Ćehajić Šerif za oca Jusufa, Džaferhodžić Sala za majku Zlatu, porodica za Husićić Zulejhu).



Završena dezinfekcija vjerskih objekata - 22.08.2019., koju je provela higijensko-epidemiološka služba Doma zdravlja.

Medžlis – 21.08.2019. Seminar za vjeroučitelje održan u atriju MIZ-e Tešanj za vjeroučitelje sa područja muftiluka zeničkog. Seminar je organizirala Uprava za obrazovanje i nauku Rijaseta IZ-e u BiH u saradnji sa Muftijstvom zeničkim i Pedagoškim zavodom ZD kantona.

Na seminaru je obrađena tema: « Implementacija revidiranog NPP-a Islamske vjeronauke u osnovnim i srednjim školama definiranog na ishodima učenja ». Temu su prezentirali šef Odjela za vjeronauku u Upravi za obrazovanje i nauku Rijaseta IZ-e u BiH dr. Nezir ef. Halilović i savjetnica za Islamsku vjeronauku PZ ZD Kantona Emina Grabus.



Medžlis – 15.07.2019. Otvorena izložba slika o neuspjelom pokušaju državnog udara u Turskoj u atriju Medžlisa IZ-e Tešanj koju su zajedno priredili ovaj Medžlis i TIKA (Turska agencija za saradnju i koordinaciju).



Kalošević – 03.09.2019. završeno unutrašnje uređenje džamije, postavljena nova prostirka i centralni luster.



MEDAKOVO - HAFISKA DOVA HAFIZA RASIMA IBRAHIMKADIĆA

U nedjelju 15. septembra 2019. godine, u džamiji džemata Medakovo u Tešnju, održana je hafiska dova i u hafiza Kur'ana Časnog promoviran mladi hifz Rasim Ibrahimkadić. U prisustvu 12 hafiza (Kur'an su učili hafizi: Almir Salkanović, Nermin Ibrahimović, Anes Mulić, Hamdo Solo, Miralem Muratović i Zaim Šiljić) i velikog broja vjernika, dobrodošlicu na početku programa poželio je džematski imam Samed ef. Sinanović prof. Prisutnima su se obratili glavni imam Medžlisa IZ-e Tešanj mr. Fuad ef. Omerbašić i muftija zenički hfv. dr. Mevludin ef. Dizdarević.

U ime Komisije za polaganje hifza pri Rijasetu Islamske zajednice u BiH diplomu hafizu uručio je hfv. Mirnes ef. Spahić prof., izaslanik reisu-l-uleme.

Dovu je proučio muhafiz hafiz Ahmed ef. Bukvić, imam Hamzibegove džamije u Tešnju i voditelj škole Kur'ana.

Rasim Ibrahimkadić je sin Muhametov i Sabinin iz Medakova. Rođen 11. 10. 1993. godine u Tešnju. Osnovnu školu završio je u Medakovu, a srednju elektrotehničku 2012. godine u Tešnju. Trenutno je zaposlen i neoženjen. Od decembra 2016. godine do maja 2019. godine proučio je hifz pred muhafizom hafizom Ahmed ef. Bukvićem, a pred komisijom Rijaseta IZ-e u BiH u sastavu: hafiz Ismet ef. Spahić predsjednik komisije i članovi: hafiz dr. Mensur ef. Malkić i hafiz Haso ef. Popara hifz je polagao od 19. do 28. juna odnosno deset dana po tri džuza dnevno.

Hafiz Rasim je 21 poslijeratni tešanjski hafiz.



Obraćanje i čestitka muftije zeničkog



Hafiz sa komisijom, muhafizom i porodicom



Hafiz sa roditeljima i sestrom

RAZVOJ INFRASTRUKTURE

Novo Selo 13.09.2019.
Završena rekonstrukcija krova džamije. Investicija od 20.000,00 KM.



Lepenica 09.09.2019. Završena rekonstrukcija džamije, munare i vakufskog objekta uz džamiju. Investicija od 50.000,00 KM




Oraš Planje 01.09.2019.
Završena rekonstrukcija i uređenje stare džamije i munare. Nastavljeni radovi na izgradnji mesdžida Huskići.



Hamzibegova džamija
10.09.2019. Otvoren novi ulaz u džamiju sa izgrađenim predulazom iz harema džamije.



Bukva – 01.09.2019. Uređenje harema – obložene kamenom podzide oko harema džamije i stubovi na ulaznim kapijama.



Krašev – 29.07.2019. uređenje harema džamije- delegacija Medžlisa posjetila gradilište.



Dobropolje-Mekiš – 08.09.2019. Završena sanacija srednjeg dijela krova džamije.

